



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola I. Zosimi Papae Ad Hesychivm Salonitanvm Episcopvm.

urn:nbn:de:hbz:466:1-14918

EPISTOLA I.

ZOSIMI PAPÆ
AD HESYCHIVM SALONITANVM
EPISCOPVM.

- I. *Quod monachi vel laici, nisi per gradus ecclesiasticos, non debent ad summum sacerdotium pertinere.*
- II. *Quod si quis interdicta despexit gradus sui periculo subiacebit.*
- III. *Quo in singulis clericorum gradibus tempora sunt prefixa.*

Zosimus episcopus urbis Romæ, Hesychio episcopo Salonitano.

I.

Exigit dilectio tua præceptum apostolicæ sedis, in quo patrum decreta consentiunt, & significas, non nullos ex monachorum populari cœtu, quorum solitudo quauis frequentia maior est, sed & laicos, ad sacerdotium festinare. Hoc autem specialiter & sub prædecessoribus nostris, & nuper a nobis interdictum constat litteris ad Gallias Hispaniasque transmissis, in quibus regionibus familiaris est ista præsumptio, quamuis nec Africa super hac admonitione nostra habeatur aliena, ne quis penitus contra patrum præcepta, qui ecclesiasticis disciplinis imbutus per ordinem non fuisset, & temporis approbatione diuinis stipendiis eruditus, nequaquam ad summum ecclesiæ sacerdotium aspirare præsumeret: & non solum in eo ambitio inefficax haberetur, verum etiam in ordinatores eius, ut carerent eo ordine quem sine ordine contra præcepta patrum crediderant præsumendum. Vnde miramur, ad dilectionem tuam statuta apostolicæ sedis non fuisse perlata. Laudamus igitur constantiam propositi tui, frater carissime, nec aliud de pontifici tui veteri censura auctoritatis genus expectandum fuit, quam ut talibus ambitionibus, pro præceptis patrum, in procinctu fidei constitutus, occurreres. Igitur si quid auctoritati tue (quod nos non opinamur) æstimas defuisse, supplemus. Obsistite talibus ordinationibus, obsistite superbiæ & arrogantiae venienti. Tecum faciunt præcepta patrum, tecum apostolicæ sedis auctoritas. Si enim officia sæcularia principem locum, non vestibulum actionis in-

Dist. 36.
Qui eccl.
asticis.
Et dist. 59.
Qui eccl.
asticis.

gressis, sed per plurimos gradus examinatis, temporibus deferunt; quis ille tam arrogans, tam impudens inuenitur, ut in cælesti militia, quæ propensijs ponderanda est, & sicut aurum repetitis ignibus exploranda, statim dux esse desideret, cum tiro ante non fuerit? & prius velit docere, quam discere? Assuescat in Domini castris, in lectorum primitus gradu diuini rudimenta seruit: nec illi vile sit, exorcistam, acolythum, subdiaconum, diaconum per ordinem fieri: nec hoc saltu, sed statutis maiorum ordinatione temporibus. Iam vero ad presbyterii fastigium talis accedat, ut & nomen ætas impleat, & meritum probitatis stipendia anteacta testentur. Iure inde summi pontificis locum sperare debebit. Facit hoc nimia remissio consacerdotum nostrorum, qui pompam multitudinis querunt, & putant ex hac turba aliquid sibi dignitatis acquiri. Hinc passim numerosa popularitas etiam his locis, ubi solitudo est, talium reperitur, dum parochias extendi cupiunt, aut quibus aliud præstare non possunt, diuinos ordines largiuntur. Quod oportet districti semper esse iudicij. Rarum est enim omne quod magnum est.

II.

Proinde nos, ne quid meritis dilectionis tuæ derogremus, ad te potissimum scripta direximus, quæ in omnium fratrum & coepiscoporum nostrorum facies ire notitiam; non tantum eorum, qui in ea prouincia sunt, sed etiam qui vicinis dilectioni tuæ prouinciis adiunguntur. Sciet (quisquis hoc, proposita patrum & apostolicæ sedis auctoritate, neglexerit) a nobis districtius vindicandum, ut loci sui minime dubitet sibi non constare rationem, si hoc putat post tot prohibitiones impune posse tentari. Contumeliae enim studio fit, quidquid interdictum toties usurpat.

III.

Difl. 77.
In singulis:
& in Decr.
Siricii ad
Himerium
Tarraco-
nen. cap. 8.
& 9.

Hæc autem in singulis gradibus obseruanda sunt tempora. Si ab infantia ecclesiasticis ministeriis nomen dederit, inter lectors usque ad vicesimum ætatis annum continuata obseruatione perduret. Si maior iam & grandius accesserit, ita tamen ut post baptismum statim se diuinæ militiæ desideret mancipari, siue inter lectors,

siue

sive inter exorcistas quinquennio teneatur: exinde aco-
lythus, vel subdiaconus, quatuor annis: & sic ad bene-
dictionem diaconatus (si meretur) accedat, in quo or-
dine quinque annis, si inculpate se gesserit, hærente de-
debit. Exinde suffragantibus stipendiis, per tot gradus
datis propriæ fidei documentis presbyterii sacerdotium
poterit promerer. De quo loco (si eo illum exactior ad
bonos mores vita perduxerit) sumnum pontificatum
sperare debet. Hac tamen lege seruata, vt neque bi-
gamus, neque poenitens, neque viduæ maritus ad hos
gradus possit admitti. Sane, vt etiam defensores ecclesiæ,
qui ex laicis sunt, supradicta obseruatione teneantur, si
meruerint esse in ordine clericatus. Datum octauo Ka-
lendas Martias, Honorio XII. & Theodosio VIII. Augu-
stis consulibus.

EPISTOLA II.
ZOSIMI PAPÆ
AD CLERVM ET AD PRESBYTEROS
RAVENNATVM.

Excommunicat eos qui contra se ad
comitatum ierunt.

*Zosimus episcopus commonitorum presbyteris & diaconibus
qui Rauennæ sunt.*

Ex relatione fratris nostri Archidami presbyteri, qua-
liter suscepti sitis, vel quid egeritis, cognouimus, vel
qualiter illi suscepti sint, qui contra Canones aduersum
nos ad comitatum (nescio qua audentes temeritate) ire
voluerunt. Ad quos haec, quæ nunc misimus, olim scri-
pta feceramus, eorum, quas iniuriose miserant, respon-
dentes epistolis. Sed quoniam non potuerunt rei in sua,
hoc est, in nostra ecclesia Romana, cum nostris com-
presbyteris commorari, has ad vos illis tradendas literas
destinauimus, in quibus Decreto nostro sanximus, me-
moratos perturbatores omnium ab apostolicae nostræ
sedis communione alienos fuisse, atque nostra subscrip-
tione prolatam sententiam suscepisse. Illos etiam qui
effrenato huic facto consilioque assensum commodare

Sardicensis
Concilii
Can. 8. 9.
20. & 21.

Concil. Tom. 4.

Ddd